



Broj: 04-16-4-1441-5/15
Sarajevo, 12.03.2015.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU **o dodjeli ugovora u postupku javne nabavke**

I

Dodjeljuje se ugovor ponuđaču Unitrade d.o.o. Ljubuški, ulica Bana Jelačića bb u postupku javne nabavka auto guma.

II

Ponuđač iz tačke I ove odluke dostavio je najpovoljniju ponudu, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je 12.02.2015.godine, pokrenulo konkurentski postupak za nabavku auto guma i izvršilo objavu na portalu javnih nabavki Agencije za javne nabavke Bosne i Hercegovine, dana 26.02.2015.godine.

26.02.2015.godine upućeni su pozivi za dostavljanje ponuda sljedećim ponuđačima: GUMA M d.o.o., ulica Bišće polje bb, Mostar; TAMEK-SON COMPANY d.o.o., ulica Drinska broj 164, Sarajevo i HIFA-PETROL d.o.o., ulica Hotonj bb, Sarajevo-Vogošća.

U ostavljenom krajnjem roku za dostavljanje ponuda pristigle su tri ponude i to od strane sljedećih ponuđača: GUMA M d.o.o., ulica Bišće polje bb, Mostar, Euro Dam-Jas d.o.o., ulica Lukavičkih brigada bb, Lukavac i Unitrade d.o.o., ulica Bana Jelačića bb, Ljubuški.

Komisija za javne nabavke (u daljem tekstu Komisija) je pristupila ocjeni ponuda i utvrdila da dostavljene ponude od ponuđača GUMA M d.o.o. Mostar i Unitrade d.o.o. Ljubuški ispunjavaju formalno pravne i tehničke uslove navedene u konkurentskom zahtjevu i smatraju se prihvatljivim.

Nadalje, Komisija je nakon analize i procjene dokumentacije priložene uz ponudu Euro Dam-Jas d.o.o. Lukavac, utvrdila da ista ne ispunjava sve formalno pravne i tehničke uslove navedene u konkurentskom zahtjevu i smatra se neprihvatljivom iz sljedećih razloga:

Tačkom 4.1.5.1, odnosno tačkom 4.1.6 pod a) Konkurentskog zahtjeva – nabavka auto guma broj: 04-16-4-1441-1/15 propisano je da ponuđač mora dostaviti dokaz da je u posljednje dvije godine, **uspješno realizirao** najmanje dva ugovora ukupne vrijednosti minimalno vrijednosti ponude, a koji se odnose na nabavku auto guma, odnosno potpisane i ovjerene potvrde od strane **najmanje dva primatelja o uspješnoj realizaciji** ugovora koji se odnosi na nabavku auto guma (kao dokaz uslova iz tačke 4.1.5.1). Nadalje je propisano da Potvrda treba da sadrže: naziv primatelja, naziv isporučitelja, predmet, novčanu vrijednost i **vremenski period realizacije**. Potvrda mora biti ovjerena pravovaljanim potpisom i pečatom druge ugovorne strane.

U konkretnoj ponudi ponuđača Euro Dam-Jas d.o.o. Lukavac, dostavljene su dvije potvrde:

- Potvrda o uspješnoj realizaciji ugovora (31/13) od 04.12.2014.godine primaoca Inter auto d.o.o. Tuzla, isporuka guma u 2013.godini, koja ispunjava sve uslove propisane Konkurentskim zahtjevom nabavke auto guma broj 04-16-4-1441-1/15 i

- Potvrda (5571-1/13) od 23.12.2013.godine izdata od primaoca Javno preduzeće šumsko privredno društvo Zeničko – Dobojskog kantona d.o.o. Zavidovići, u kojoj **nije precizno navedeno da je isporuka guma uspješno realizirana, niti datum sklapanja ugovora, odnosno vremenski period realizacije** te shodno navedenom ponuđač Euro Dam-Jas d.o.o. Lukavac nije ispunio uvjete u tačkama 4.1.5.1 i 4.1.6 pod a), koji su propisani Konkurentskim zahtjevom broj 04-16-4-1441-1/15.

Imajući u vidu izneseno, Komisija je ocjenila da ponuda ponuđača Euro Dam-Jas d.o.o. Lukavac nije prihvatljiva iz naprijed navedenih razloga, te je predložila da se ista odbaci kao takva.

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 13.5-16-4-878-1/15 od 10.03.2015.godine u prilogu), da se u predmetu nabavka auto guma, donese Odluka o dodjeli ugovora ponuđaču Unitrade d.o.o. Ljubuški, ulica Bana Jelačića bb, kao prvoplasiranom na rang listi čija cijena ponude iznosi 23.680,36 KM sa uračunatim PDV-om (slovima: dvadesettrihiljadešeststotinaosamdeset/36 KM).

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



Dostaviti:

- Ponuđačima,
- a/a.